




Háteigur



18. árgangur 5. tbl.

28. maí 2014

Takk fyrir veturinn!

<http://www.hateigsskoli.is>

Frá skólustjóra

Ágætu lesendur

Skólaárið 2013 til 2014 er nú senn á enda. Sumarið bíður með faðminn opinn og vill hlýja okkur og endurnæra. Margt hefur drifið á daga okkar og margs er að minnast eftir veturinn.

Háteigur geymir sögurnar og ljóðin og heimasíðan greinir frá þeim atriðum sem ekki komast í fréttabréfið. Vonandi hefur okkur tekist að halda öllum vel upplýstum um skólastarfið. Það er mikilvægt að allir sem tilheyra skólasamfélagi Háteigsskóla séu vel inn í því fjölbreytta starfi sem fram fer. Ekki snýst það bara um að fá fréttir heldur einnig um að hver læri af öðrum svo er hvetjandi að sjá hvað er gert og hvað hægt er að gera. Sjálfsmynd skólasamfélagsins verður til með greinar-góðum upplýsingum um starfið og ímynd skólans verður til þannig að við sjáum af hverju við getum verið stolt. Ég finn að Háteigsskóli nýtur virðingar í umræðu og það skiptir máli á margvíslegan hátt. Nemendur sýna ævinlega sínar bestu hliðar. Á hverju ári sækja hingað allmargir nemendur úr öðrum hverfum. Í dag eru 26% nemenda úr öðrum skólahverfum en foreldrar mega sækja um í hvaða grunnskóla sem er á meðan húsrúm leyfir. Háteigsskóli býr svo við það jafnframt að allnokkrir nemendur sem búa á milli Rauðarárstígs og Snorra-brautar velja að sækja Austurbæjarskóla og nokkrir úr hverjum árgangi sækja Ísaksskóla. Nemendur Ísaksskóla koma oft inn síðar og er löng hefð fyrir því.

Þegar við auglýsum eftir nýju starfsfólki fáum við margar góðar umsóknir þannig að vandi er að velja. Allt þetta hvetur okkur til dáða í því að gera betur. Á næsta ári stefnir í nokkra fjölgun nemenda þó að aldrei sé hægt að fullyrða neitt fyrr en nemendur mæta. Við eigum von á því að nemendur verði á milli 425 til 430. Á næstu árum er síðan von á fjölgun nemenda og óskum við þess að áætlanir yfirvalda standi til þess að byggt verði við áður en í óefni er komið. Spár miðast við fjölgun nemenda óháð þeim framkvæmdum sem hafnar eru í norðvesturhluta skólahverfis Háteigsskóla. Við getum vel við unað því að skólastærð á bilinu 400 til 500 nemendur er heppileg fyrir gott faglegt starf. Það verður því ekki annað sagt en að Háteigsskóli sé á góðri siglingu inn í framtíðina.

Ég óska þess að allir njóti sumarsins, endurnæri sig og leiki við „hvurn sinn finger“ eins og Halldór Laxness orti um kýrnar.

Gleðilegt sumar,

Ásgeir Beinteinsson,
skólustjóri Háteigsskóla.

Skipulag síðustu daga

Á blaðsíðu 3 í Háteigi er skipulag síðustu daga ásamt skólaslitum sett upp í töflu. Mikilvægt er að nemendur mæti tímanlega þessa daga eins og aðra og séu klæddir til útveru.

Minnisatriði við lok skóla.

- ✓ Í óskilum er hjá okkur ýmis fatnaður, lyklar, skór, ípróttadót og fleira. Allir óskilamunir frá skólaárinu verða hafðir til sýnis skólaslitadaginn 6. júní. Það sem verður ekki sótt fyrir **12. júní** verður gefið Rauða krossinum.
- ✓ Skila þarf öllum **bókasafnsbókum** strax.
- ✓ Nemendur eiga að **skila** öllum endurnýtanlegum **námsbókum**. Foreldrar eru beðnir um að leita sérstaklega vel að bókum, bæði gömlum og nýjum.
- ✓ Skila þarf **skápalyklum** í síðasta lagi **6. júní**.

Nemendaverðlaun

Mánudaginn 26. maí voru nemendaverðlaun skóla- og frístundaráðs Reykjavíkur afhent grunnskólanemendum við hátíðlega athöfn í Fellaskóla. Isabella María Eriksdóttir í 7. bekk var tilnefnd fyrir hönd Háteigsskóla með þessari umsögn: Isabella hefur einstaka félagslega hæfni til að bera. Hún er jákvæð, kát og umburðarlynd, er góð fyrirmynd og drífandi skólafélagi. Isabella er fylgin sér á kurteisan og yfirvegaðan hátt. Tjáir skoðanir sínar og tilfinningar óhikað, bæði við nemendur og kennara, og gerir það af jákvæðni, réttisýni og rólyndi. Hún stuðlar að því á fallegan hátt að enginn verði útundan í hópnum. Við óskum Isabellu innilega til hamingju með verðlaunin.

Í Háteigsskóla

Ég á marga góða vini í Háteigsskóla. Það má ekki stríða, meiða og skilja útundan.

Mía Söldís Gram Kimsdóttir, 1. bekk

ABC barnahjálpar

Dagana 21. mars til 13. apríl 2014 tóku nemendur í 6. bekk þátt í árlegri söfnun ABC barnahjálpar. Þeir söfnuðu alls 182.131 krónum og slógu met í söfnuninni. Nemendur fengu ákveðnar götur til að ganga í og skiptu húsum milli sín. Krakkarnir voru 2-3 saman í hóp að safna og notuðu til þess bauka frá ABC. Nemendur fengu að gjöf buff sem merkt var starfinu. Áður en þeir fóru að safna þurftu þeir að fá samþykki foreldra og fengu fræðslu um starfsemi ABC. 6. bekkur vill koma á framfæri þökkum fyrir góðar móttökur íbúa hverfisins og eru nemendur hæstánægðir með árangurinn.

Guðfinna Hákonardóttir

Í Frakklandi

Einu sinni vann öll fjölskyldan ferð til Frakklands. Þar fórum við í skógarferð. Ég var með prik til að berja villisvín í hausinn ef við skyldum rekast á það. Við fengum okkur svo villisvín að borða á veitingastað. Þegar ég var búinn með matinn fékk ég ís.

Garðar Logi Björnsson, 1. bekk

Speglun

Sólin skín í sænum,
öll er kyrrð í bænum.
Við liggjum á grösum grænum,
hávaðanum rænum.

Birtan speglast á öldum,
öldum í sjónum köldum.
Þögninni við höldum,
einsemdina földum.

Kristján Guðmundsson, 9. bekk

Vorhátíð

Vorhátíð skólans var haldin laugardaginn 10. maí. Skemmst er frá því að segja að hátíðin tókst einstaklega vel. Mæting var sérlega góð, skipulagið til fyrirmyndar og veðrið var himneskt. Við viljum þakka sérstaklega stjórn foreldrafélagsins ásamt öllum þeim foreldrum og kennurum og öðrum starfsmönnum sem lögðu sig fram við að gera þessa hátíð eins góða og hún var. Myndir frá vorhátíðinni eru komnar á heimasíðu skólans.

Eldgos

Einu sinni var fullt af eldgosum og þá komu fjórir drengir. Þeir voru að klifra upp rennandi eldfjöll og drengirnir dóu. Eldfjallið heitir Hekla. Þá voru mamma og pabbi mjög leið.

Hekla Ósk Skov Jensen, 1. bekk

Frá Hamlet litla

Nemendum 5. bekkjar var boðið á leiksýninguna Hamlet litli sem var sýnd í Borgarleikhúsi. Eftir leiksýninguna voru þeir beðnir um að skrifa á blað hugleiðingar einhverra sögupersóna í leikritinu. Hér er ein:

Claudius

Hvernig getur þetta verið svona ósanngjarnt? Ég á enga konu en bróðir minn á konu sem heitir Geirprúður og þau eiga son sem heitir Hamlet. Ég er með plan. Ég læðist heim til þeirra um kvöldið. Þegar þau eru sofandi læðist ég inn í húsið. Ég finn svefnherbergið hjá bróður mínum og set eitur í eyrað. Sjáumst aldrei aftur.

Una Sædís Jónsdóttir

Hæfileikakeppni á miðstigi

Þriðjudaginn 20. maí sl. var haldin hæfileikakeppni fyrir miðstigsnemendur skólans. Skipuð var nefnd í 7. bekk sem skipulagði keppnina. Dómnefnd var skipuð þremur nemendum, einum fulltrúa frá hverjum árgangi.

Keppnin gekk ákaflega vel og sýndi fram á að Háteigsskóli er ríkur af hæfileikaríkum nemendum. Meðal atriða voru söngur, dans, hljóðfæraleikur, töfrabrögð og fleira.

Í lokin voru þrjú atriði með jafnmörg stig og var því dregið um röðun þeirra. Það endaði þannig að Snjólaug Vera í 7. bekk hlaut 1. sætið fyrir söng, Ragna Guðrún, Auður og Rafn í 6. bekk hlutu 2. sætið fyrir tónlist og dansatriði og Steinn Kári í 6. bekk hlaut 3. sæti fyrir töfrabrögð.

Innilega til hamingju!

Við viljum þakka öllum þeim sem tóku þátt ásamt nefndinni fyrir að skipuleggja flotta keppni.

Umsjónarkennarar í 7. bekk

Einmana stelpan í skóginum

Ung stúlka í djúpum skógi.

Hún var einmana.

Hún átti engan að.

Eina sem hún átti var fiðla.

Hún spilaði á hana á hverjum morgni.

Hún spilaði og spilaði.

Kolfinna Eypórsdóttir, 9. bekk

Prjónagraff

Í tengslum við barnamenningarhátíð í Reykjavík var ákveðið að vera með prjónagraff í Háteigsskóla.

Nemendur í 9. bekk báru ábyrgð á verkefninu ásamt Ragnheiði Valgerði Sigtryggisdóttur kennara sínum.

Þeir byrjuðu um mánaðamótin apríl/maí á því að safna saman garnaþöngum, prjónum og körfum. Körfur með garni og prjónum voru settar út um alla ganga í skólanum og nemendur gátu prjónað í frímínútum sem þeir og gerðu.

Farið var í bekk á yngsta stigi og öllum sem vildu var kennt að puttaprjóna.

Í lok apríl var öllu safnað saman og „graffið“ skipulagt.

Laugardaginn 3. maí var prjónagraffað fyrir utan skólann. Þrjú tré voru klædd í prjónles og handrið þakin með puttaprjóni.

Atburðurinn var afar vel heppnaður og nemendum í Háteigsskóla til sóma.

Ragnheiður Valgerður Sigtryggisdóttir

Maxímús músíkús

Nemendum 1. bekkjar var boðið í Hörpu að horfa og hlusta á Maxímús músíkús. Hér eru tvær frásagnir:

Við fórum í strætó í Hörpu að horfa á Maxímús músíkús. Þetta var allt mjög gaman.

Einar Hafsteinn Guðmundsson

- - -

Ég sá ísbíl keyra framhjá mér. Það var ágætt í Hörpu.

Daníel Hjaltalín Héðinsson

Í sundi

Ég fór með vinkonu minni á hjóli og með pabba og ég fór á stóra stökkpallinn í Sundhöllinni og það var gaman.

Jóhanna Valfells, 2. bekk

Ljósmyndir og ljóð

Hér eru tvö ljóð frá sýningu 7. bekkinga á Borgarbókasafninu í apríl:

Hvíta rós

Hvítar rósir þýða það:

Heillandi og blíður, merkir nýtt upphaf, einfaldleika, sakleysi og hreinleika.

Ást er hrein og göfug.

Thao Phuong Dang

Náttúran

Í náttúrunni getur maður séð mörg form eins og hreindýr og kannski orm.

En ef maður horfir vel

og lætur ímyndunaraflið flæða

getur maður séð heiminn í nýju ljósi.

Atli Snær Valgeirsson

Leikskólabörn í heimsókn

Þriðjudaginn 13. maí komu elstu leikskólabörnin af Stakkaborg, Klömbur og Nóaborg í heimsókn í Háteigsskóla. Þar fluttu börnin atriði fyrir hvert annað og var gaman að sjá hversu mikið allir voru búnir að æfa sig og stóðu sig vel, bæði í flutningi og sem áheyrendur. Myndir frá heimsókninni eru komnar á myndasíðu skólans.

Fleiri sögur og ljóð..

.. sem komust ekki fyrir í Háteigi eru á heimasíðu skólans.

Rökk

Jónatan frændi minn kenndi mér á bassagítar og núna er ég alltaf að spila á hann. Ég elska að rokka á hann.

Elísabet Lilja Grettisdóttir, 2. bekk

Að róla

Við ætlum að fara að róla úti bak við hús með nesti.

Katla Ísold Kjartansdóttir, 1. bekk

Tíminn

Tíminn er eins og síminn

og ef allt er skemmtilegt

þá liður allt svo hratt.

En ef eitthvað er leiðinlegt

þá gerist allt svo hægt.

Jóna Lís Helgadóttir, 5. bekk

Saga af býfluga

Þetta er býfluga að baka

köku. Býflugan átti afmæli.

Hún setti sleikjó á kökuna.

Býflugan fékk töfrasprotu í

afmælisgjöf og kakan var

góð.

Maralene Rós V. Bold, 2. bekk



Spakmæli mánaðarins:



Dæmdu aldrei í reiði!

Reiðin liður hjá en dómurinn stendur eftir.

	SKIPULAG SÍÐUSTU DAGA SKÓLAÁRSINS:				
	Mánudagur 2. júní	Þriðjudagur 3. júní	Miðvikudagur 4. júní	Fimmtudagur 5. júní	Föstudagur 6. júní
1. bekkur	Starfsdagur	Klambratún með leikskólum kl. 10:10 – 13:40	Bæjarferð kl. 10:10 – 13:40	Útivist á Klambratúni kl. 10:10 – 13:40	Skólaslit kl. 14:00
2. bekkur	Starfsdagur	Á heimavelli kl. 10:10 – 13:40	Á heimavelli kl. 10:10 – 13:40	Útivist á Klambratúni kl. 10:10 – 13:40	Skólaslit kl. 13:00
3. bekkur	Starfsdagur	Á heimavelli kl. 10:10 – 13:40	Fjöruferð - Ægissíða kl. 10:10 – 13:40	Útivist á Klambratúni kl. 10:10 – 13:40 Skólaslit kl. 17:00	
4. bekkur	Starfsdagur	Árbæjarsafn kl. 10:10 – 13:40	Grafarvogur kl. 10:10 – 13:40	Útivist á Klambratúni kl. 10:10 – 13:40	Skólaslit kl. 11:00
5. bekkur	Starfsdagur	Húsdýragarður kl. 10:10 – 13:40	Óvissuferð kl. 10:10 – 13:40	Útivist á Klambratúni kl. 10:10 – 13:40	Skólaslit kl. 10:30
6. bekkur	Starfsdagur	Grandi kl. 9:10 – 12:10	Á heimavelli kl. 9:10 – 12:10	Útivist á Klambratúni kl. 10:10 – 13:40	Skólaslit kl. 10:00
7. bekkur	Starfsdagur	Viðey kl. 8:30 – 12:10	Hjólaferð kl. 8:30 – 12:10	Ísgöngutúr kl. 10:10 – 13:40	Skólaslit kl. 9:30
8. bekkur	Starfsdagur	Stökkseyri kl. 8:45-13:45	Prófsýning kl. 9:00 – 12:00	Nauthólsvík og grill kl. 10:00 – 13:00	Skólaslit kl. 9:00
9. bekkur	Óvissuferð kl. 9:00-22:00	Starfsdagur	Prófsýning kl. 9:00-12:00	Nauthólsvík og grill kl. 10:00 – 13:00	Skólaslit kl. 8:30
10. bekkur	Ferðalag	Ferðalag	Prófsýning kl. 9:00-12:00 Undirbúningur skólaslita kl. 13:00.	Nauthólsvík og grill kl. 10:00-13:00	Útskrift kl. 17:00. Foreldrar sérstaklega boðnir velkomnir.

ÁGÚST		SEPTEMBER		OKTÓBER		NÓVEMBER		DESEMBER		JANÚAR		FEBRÚAR		MARS		APRÍL		MAÍ		JÚNÍ	
1 F		1 M		1 M	Starfsdagur	1 L		1 M	Fullveldisdagurinn	1 F	Nýársdagur	1 S		1 S		1 M		1 F	Verkalyðsdagurinn	1 M	
2 L		2 Þ		2 F		2 S		2 Þ		2 F		2 M		2 M		2 F	Skirdagur	2 L		2 Þ	
3 S		3 M		3 F		3 M		3 M		3 L		3 Þ	Foreldravíðtöl	3 Þ		3 F	Föstudagurinn langi	3 S		3 M	Starfsdagur
4 M	Fridagur verslunarmanna	4 F		4 L		4 Þ		4 F		4 S		4 M		4 M		4 L		4 M		4 F	
5 Þ		5 F		5 S		5 M		5 F		5 M		5 F		5 F		5 S	Páskadagur	5 Þ		5 F	Lokadagur
6 M		6 L		6 M		6 F		6 L		6 Þ	Þrettándinn	6 F	Dagur leikskólans	6 F		6 M	Annar dagur páska	6 M		6 L	
7 F		7 S	Dagur læsis	7 Þ	Foreldravíðtöl	7 F		7 S		7 M		7 L		7 L		7 Þ		7 F		7 S	
8 F		8 M	Kynningarfundir	8 M		8 L	Baráttudagur gegn einelti	8 M		8 F		8 S		8 S		8 M		8 F		8 M	Lokadagur
9 L		9 Þ	Kynningarfundir	9 F		9 S		9 Þ		9 F		9 M		9 M		9 F		9 L		9 Þ	Lokadagur
10 S		10 M	Kynningarfundir	10 F		10 M		10 M		10 L		10 Þ		10 Þ		10 F		10 S		10 M	Skólaslit
11 M		11 F	Kynningarfundir	11 L		11 Þ		11 F	Próf 8.-10. b.	11 S		11 M		11 M		11 L		11 M		11 F	STUT
12 Þ		12 F	Umhverfisd./kynnf.	12 S		12 M		12 F	Próf 8.-10. b.	12 M		12 F		12 F		12 S		12 Þ		12 F	STUT
13 M		13 L		13 M		13 F		13 L		13 Þ		13 F		13 F		13 M		13 M		13 L	
14 F		14 S		14 Þ		14 F		14 S		14 M		14 L		14 L		14 Þ		14 F	Uppstigningardagur	14 S	
15 F	STUT	15 M	Kynningarfundir	15 M		15 L		15 M	Próf 8.-10. b.	15 F		15 S		15 S		15 M		15 F		15 M	STUT
16 L		16 Þ	Dagur isl. náttúru	16 F		16 S	Dagur íslenskrar tungu	16 Þ	Próf 8.-10. b.	16 F		16 M	Þemadagur /bolludagur	16 M		16 F		16 L		16 Þ	
17 S		17 M		17 F	Vetrarfrí	17 M		17 M	Próf 8.-10. b.	17 L		17 Þ	Þemadagur /sprennidagur	17 Þ		17 F		17 S		17 M	Lýðveldisdagurinn
18 M	STUT	18 F		18 L		18 Þ		18 F	Jólaskemmtanir	18 S		18 M	Starfsdagur /öskudagur	18 M		18 L		18 M		18 F	
19 Þ	STUT	19 F		19 S		19 M		19 F	Jólaskemmtanir	19 M		19 F	Vetrarfrí	19 F		19 S		19 Þ		19 F	
20 M	STUT	20 L		20 M	Vetrarfrí	20 F		20 L		20 Þ		20 F	Vetrarfrí	20 F		20 M		20 M		20 L	
21 F	STUT	21 S		21 Þ	Vetrarfrí	21 F		21 S		21 M		21 L		21 L		21 Þ		21 F	Próf 8.-10.	21 S	
22 F	Skólaásetning	22 M	Íslenska 10.bekkur	22 M		22 L		22 M		22 F		22 S		22 S		22 M		22 F	Próf 8.-10.	22 M	
23 L		23 Þ	Enska 10.bekkur	23 F		23 S		23 Þ	Þorláksmessa	23 F		23 M		23 M		23 F	Sumardagurinn fyrsti	23 L		23 Þ	
24 S		24 M	Stærðfræði 10.bekkur	24 F		24 M		24 M	Aðfangadagur jóla	24 L		24 Þ		24 Þ		24 F	Umhverfisdagur	24 S	Hvítasunnudagur	24 M	
25 M		25 F	Íslenska 4.og 7.b. Stærðfræði 4.og 7.b.	25 L		25 Þ		25 F	Jóladagur	25 S		25 M		25 M	Ársh.ungl./þr.hátíð	25 L		25 M	Annar í hvítasunnu	25 F	
26 Þ		26 F		26 S		26 M		26 F	Annar í jólum	26 M	Starfsdagur	26 F		26 F		26 S		26 Þ	Próf 8.-10.	26 F	
27 M		27 L		27 M		27 F		27 L		27 Þ		27 F		27 F		27 M		27 M	Próf 8.-10.	27 L	
28 F		28 S		28 Þ		28 F		28 S		28 M		28 L		28 L		28 Þ		28 F	Próf 8.-10.	28 S	
29 F		29 M		29 M		29 L		29 M		29 F				29 S	Pálmasunnudagur	29 M		29 F	Próf 8.-10.	29 M	
30 L		30 Þ		30 F		30 S		30 Þ		30 F	Afhending vitnisburðar			30 M		30 F		30 L		30 Þ	
31 S				31 F				31 M	Gamlársdagur	31 L				31 Þ				31 S			

Samkvæmt kjarasamningi sveitarfélaga við Kennarasambands Íslands skulu skóladagar nemenda vera 180 á tímabilinu 20. ágúst til 10. júní. Sérstakir starfsdagar/skipulagsdagur kennara á starfstíma nemenda eru fimm, en sex í leikskólum, og skulu ákveðnir af skólastjóra í samráði við kennara og með hlöðsón af kjarasamningum. Stefna skóla- og frístundasviðs er að í hverju hverfi leitist skólastjórnendur leik- og grunnskóla við að samræma starfs- og skipulagsdaga til hagræðis fyrir fjölskyldur í Reykjavík, Starfsdagur kennara utan starfstíma nemenda (STUT) eru 8.

Skóladagar eru alls 180. 170 kennsludagar og 10 viðbótardagar sem nýtast þannig:
 Skólaásetning 22. ágúst, foreldravíðtöl 7. október, jólaskemmtanir 18. og 19. desember, foreldravíðtöl 3. febrúar, lokadagur þemadaga, lokadagur 5., 8. og 9. júní og skólaslit 10. júní.